

30. inter cōercitores ego, Prahlâdasque sum inter Titanes;  
tempus ego numeros modulantium, et inter feras leo ego
31. sum, Garudasque inter volucres. Ventus inter lustramina  
sum, Ramas inter armigeros ego; inter pisces sum hippocampus,
32. inter amnes sum Jâhnavis. Naturarum initium finisque, medi-  
umque ego itidem, o Arjuna: summi spiritus cognitio inter
33. cognitiones, oratio oratorum ego sum. Inter elementa sum  
littera *A*, atque copulatio inter verba composita. Ego
34. sum tempus aeternum, altor ego omnituens, et mors  
cuncta rapiens ego, et ortus futurorum. Fama, Fortuna at-  
que Vox inter feminina, Memoria, Prudentia, Constantia,
35. Patientia; magnus hymnus perinde inter hymnos, initia-  
tionis carmen inter rhythmos ego sum. Inter menses ego
36. Dorcadocephalio, inter anni tempora ver floridum. Alea  
sum fraudulentorum, splendor ego splendorum; victoria
37. sum, industria sum, vigor ego vigentium. In Vrishnida-  
rum stirpe sum Vâsudêvas, inter Panduidas opum contemtor  
(*Arjuna* ipse); inter anachoretas porro sum Vyâsas, inter
38. poëtas Usanases poëta. Castigatio domantium sum, solertia  
sum aemulantium, silentiumque utique sum arcanorum; doc-
39. trina doctorum ego. Quodcunque tandem omnium ani-  
mantium semen, id ego sum, o Arjuna: non exstat ullum,
40. quod sine me sit, ens mobile vel immobile. Nullus est  
finis divinarum mearum virtutum, o hostium vexator! haec
41. autem virtutis enarratio a me speciminis vice prolata. Quae-  
cunque mirabilis est substantia, fausta vel eximia, eam ip-
42. sam intellige tu e splendoris mei portione ortam. At quid  
tibi tandem cum multiplici ista doctrina, o Arjuna? Stabilito  
ego hoc universo mundo singula mei portione, requievi.